

題爲俯採末議急甦役困事據應天府陞任府丞
徐石麒呈據西城生監居民劉體德等具稟前
事內稱江東馬驛疲累不堪謹以拯援末議分
列三款亟賜裁酌等情呈府據此炤得僉報之
厲民夫人而知之矣本府前日所以決計僉報
者亦深察夫郵情多詐驛棍多奸支給之日如
譟如呼迓差之時疑鬼疑蜮恐貽本府無窮之

害而不得不借重一二殷實有業良民克之耳
任怨任勞量力均派或養馬一匹或養馬二匹
庶幾所費不多不至大爲民害心血幾枯鬚髮
欲白此種苦心昭然耳目亦江東父老子弟所
共諒也乃諸士民號天赴地求復召募本府何
能無說處此蓋僉報召募各有利病僉報之權
在上上者得視虛實爲權衡故無逋逃之患而
其病可使富者貧而貧者流召募之應在下下
者自量才力而趨走故無躑躅之虞而其病必
至饑則附而飽則去是僉報之病恒在民而召
募之病恒在官在民者不必痛癢相關而在官
者可以法度相制則爲江東民念其當易僉報
而召募不再計矣議募先須定戶僉報之戶宜
多多則力衆而担輕召募之戶宜少少則用聚
而稽便是以從前五十三戶今酌定二十戶可
以終事可以成役矣戶定而經馬按舊額江東

驛五十二匹附以龍江關三十一匹共八十三匹自奉

旨裁汰濫差之後卽宜與費同減當時業已失之今又因干戈克斥各路輪蹄迂路出此未便議減故酌定馬五十匹騾二十頭驢十三頭來往番休庶几有餘力矣馬定而經費按舊編除節省外僅二千零四十兩加以房號錢八十三萬三千有奇共五百兩計每馬一匹僅料價三十許金去未節省以前尚遠今酌定馬每匹四十五金騾每頭三十六金驢每頭三十金遇歲闋以此數權而加之卽牧與芻可以無缺食矣費定而經出自額編房外議者謂當炤貴池例

題畱節省恐軍興政棘請弗聽也或謂當均派小民恐民力已竭加弗願也或謂當加之典舖與再加房號恐合京之人盡騷弗應也查得本府舊額有紅座船夫銀三千三百九十八兩有奇

除支給外每年該餘銀九百六十五兩及今細
細清查九年以前杳無銷歸十年以後空存紙
上與其耗蠹于不知孰若撥歸之馬戶按馬騾
料價除額設房號二千五百兩外尚欠銀五百
六十兩遇閏尚欠銀八百六十兩斟此酌彼便
已裕如不必更設矣既定出額而錢糧不歸本
府與無出同按本府有解京之節省而隣郡有
解府之協濟鞭長不及譟呼不應而驛坐受困
請詳具

題兩者互易使鄰郡代本府解節省而本府扣節
省爲協濟斯外境錢糧歸府之一策也至於屬
邑之掛支奸胥每居爲奇貨而令長亦欲佔爲
便宜故前官非不力陳上下衷如克耳是必賴
憲檄森嚴震破積習而又嚴比該縣經承俾無
委卸萬一解不應期卽于解到京邊錢糧內撥
歸本項責令揆批更于考成之日以解額之多

寡定官評之上下庶幾各邑有所儆醒而不敢
泄泄從事矣又有額編之房號一任城胥之飽
侵望支有類俟河半給仍同畫餅名在實無何
禪于用是必仰藉霜威檄使歸府有不如令卽
捺白簡以從而城官庶不敢猫鼠也錢糧旣已
歸府而給不以時與不歸同故寅糧卯支甲墊
丁給非法也今議每月初三日各馬戶具領本
府本府卽應時給散極遲不得過初五給止一
事之日鹵莽條列然皆集諸廳察會諸丞令商
諸士民不厭再三始有成說其餘懲前毖後尚
有三四則事在本府不敢煩聒竇聽至于終之
始之則已去之身非愚所能逆睹也等因前來
案查先准南京守備司禮監太監孫象賢等題
爲驛遞疲苦已極等事奉有甦驛各款一併查
議具奏之

旨遵行在案今據前因該臣看得江南驛遞無處不

告困而江東驛爲甚以都會之輪蹄輻輳倍徒
於外邑也自額銀節減供億無措繼以倒站而
僉報之議興僉報初行實能嚴絕諸弊但行之
日久恐流弊難防矣報者十家而後僉者一家
其不報而私索私放者更不知其數是僉五十
三戶而有數百戶之擾也且五十三戶之中不
無上戶營脫下戶代僮之病役富且不堪況役
貧乎錢更之家又將百計求替於是乎前累未
釋後僉繼起矣脫役者精髓已空受役者皮毛
俱盡竣役者飛鴻難集未役者風鶴多驚貧富
俱爲騷然所利止在積年驛棍耳然而錢糧不
繼馬瘠僕痛鞭楚交加典鬻皆罄卽積棍亦無
糊口存身之策此種種諸害之在民者也而誤
公之害仍是官受之則易僉報而復召募無待
再計矣召募之法不在循其名而在求其實實
者何經費是也經費額縮官拙於應此法終不

能久勢必轉求之民故召募之用不足則僉報之根不除也按臣巡歷其地與陞任府臣徐石麟悉心講求據府詳多款最爲詳晰法有用損者從前五十三戶酌定二十戶馬八十三匹酌定馬五十匹騾二十頭驢十三頭及裁卷院南院武操江之馬是也法有用益者馬騾驢料價酌增遇閏權加額存不敷取給於該府紅座船夫餘銀是也法有議革者馬戶依期自領錢糧不經該驛官吏之手該府新設馬票應付悉禁各衙門紙符房號歸府徵解不使城胥侵收設立戶長嚴除驛蠹是也法有議興者江南之馬不過江北每歲於馬戶銀內貼江淮驛一百二十兩卽以江淮馬至江干荅應是也內如驛馬以江爲界永免覆溺漂失之患誠甦困之最大者查江東驛卽在江潁江淮驛去江尚二十餘里地分遠近則勞逸懸殊所貼尚存乎見少卽

濟以濟河之法自關永利第水有涸時而輜軒
又有不繇水者江淮輿臺之費終不可省職已
批行酌加務令兩驛各稱便益則盡善矣而最
喫緊尤在錢糧之協濟應屬江東等驛錢糧皆
仰給于隔府置郵之祇應不能刻緩鄰封之積
逋動輒經年其痛癢不關繇叅罰不及也今宜
設爲考成之法每歲終行應天府將州縣欠解
限數併經管各官職名造冊呈送臣等知照
叅之例年終叅

奏一次有欠至五分以下者住俸督催五分以
上者降級督催十分全欠者革職督催完日方許
開復俾各有司儆惕趨公而召募永行無替矣
至于先年積欠臣已嚴檄限解如復玩愒不前
致馬戶顛連無訴不得不以白簡從事也謹會
同巡按應天等處監察御史陳起龍合詞上
請伏乞

撫吳疏草
卷
敕部覆議施行

崇禎十二年四月十一日具

題五月十七日奉

聖旨兵部知道

東西兩屬增兵疏

題爲仰遵增募選練之累

旨合籌東西兩屬之要圖謹集議上

請伏希

聖明立賜允行以安重地以濟時艱事案准兵部咨
爲江南有萬分可慮之形等事該本部題覆原
任兵科給事中宋學顯題前事等因奉

聖旨皖浦增兵著該撫按從長酌議具奏駐劄京口

以便調度依議欽此欽遵備咨前來隨經酌議具奏遵行在案續准兵部咨爲兵壯虛有其名等事該本部覆按臣陳起龍題前事等因奉

聖旨這選練鄉勇屯丁責成守巡兵道就近清查見有工食酌量提解絕溢屯地較量加租召募精銳督率守把分合團操不許有司衛所虛糜滋擾俱通行腹裏地方嚴限力圖實資捍禦如苟且虛應批罪拆墮謨撫所額軍仍責世官操備采石要地

前來隨經備行各兵巡道責成選練去後續據徽寧道臣侯安國詳稱徽寧一道標下止兵三百名每遇江北有警卽連營盡去而此中掣肘殊非重地所宜也職幾欲增兵苦於措餉無出而止職今籌畫有四議焉一曰附入標營以俾實練今議標下寧安營除舊兵三百名中軍團練之外再添兩總各增兵六百名合添一千二

百之數一名徽摠一名寧摠十兵設一隊長百
兵設一哨長陸哨共一把摠兩把摠則屬中軍
遊擊以統攝之遊把各哨等官總屬本道以教
練之操考以殿其優劣稱職則加薦獎否則嚴
加戒飭再重則申以軍法駕馭嚴始可與言募
兵之役矣一曰秉公選募以免鑽營夫有此守
把哨官之名則武夫必然營進有此隊長之役
則奸棍或有竄入今議遊擊把摠則聽朝選

欽依哨官則錄本道考委不必從下申詳以滋鑽營

之獎隊兵等役則令徽寧兩軍聽從公招募解
道驗試給與腰牌有勇有保結者方准應役
今中軍遊擊則有

欽依之守備何永懋矣本官以武進士授今職才品
俱優威惠竝著到任期年軍心帖服所當請與
加銜遊擊以領此役者也若把總論例則該候
部選然建營之初苟職非其人將于此中開侵

欺剝削之弊矣職今查標下傳宣新安衛指揮
翟光師品格端方智勇足備向嘗署中軍事而
軍士振起屢蒙各院薦剡將亦有把總之陞不
若請與寧總練兵特賜

欽依之爲便也其次則又有原在標下防江效勞今
中式候選武進士許雲際其人者膂力過人技
能邁衆今在籍候選請以徽摠與之亦分內事
也合並光師而同

前高一日酌縣分之大小以派隊兵之糧夫既有官
兵居此米貴如珠之地則日用全資于餉苟餉
額不及舊兵之食必無餬口安能繫足今議隊
長一百名教師二十名每名歲給餉銀一十二
兩營兵一千八十名歲給餉銀九兩七錢又加
中軍遊擊歲支廩糧紙劄等銀七十二兩除舊
有三十六兩不笑外仍該增給銀三十六兩把
摠二員歲各支廩糧紙劄銀四十二兩哨官十

二員歲各支廩糧紙劄銀二十六兩四錢以上
笑共歲徵銀一萬二千三百五十二兩八錢著
撥屬鄉兵工食內出銀五千六百兩寧屬鄉兵
工食內出銀五千一百兩廣德建平鄉兵工食
派銀一千六百五十二兩八錢酌縣分大小從
公出解則歙縣派銀一千三百兩休寧派銀一
千三百兩婺源派銀五百兩祁門派銀八百兩
歙縣派銀六百兩績溪派銀七百兩宣城派銀
一千兩南陵派銀一千兩涇縣派銀一千兩寧
國派銀七百兩旌德派銀七百兩太平派銀七
百兩廣德派銀九百兩建平派銀七百五十六
兩八錢各于丁糧所派鄉兵工食之內徵取解
道轉發旌德縣庫收貯每季終弔取鏟鑿包封
點名唱給遇閏加解閏銀一月如解不及時者
炤歲終考成事例官叅吏究至于衣甲器械火
藥銃鉋馬料之類先以今年未招兵以前空下

之餉支用備辦以後俱于事故小盡之內取用
每季造兵糧一冊送院稽查夫如是則官兵皆
得餉何慮隊伍之不實也一曰按季更番守信
更番操練以保疆界之萬全夫徽寧當萬山之
中而廣建近浙江之界盜賊時生于險峻之地
有此兵衆則盜賊息矣然不有操練則技勇不
熟不責守信則盜賊尤生今議新兵一千二百
名以六百名隨兩總陸哨官在于旌德操練以
六百名隨陸哨官出守各州縣交界隘地及徽
寧一路墩堡一季守完則以操者出守令守者
易操彼此更番如環不斷平時把總哨官操之
每月以中軍遊擊操之各以教師教習諸般武
藝一人教十十人教百必人人能戰而後已每
季更班之際本道必親自操演以練兵新舊一
千五百之衆以成勁敵之師是無事可作江南
之保障有警則爲江北之救援至若各州縣民

壯繫各州縣走差守域之人其工食向止七兩
二錢今扣解遼餉之外歲餉無幾難與操兵同
論應仍畱州縣以資守域走遞惟行文以汰其
老弱可耳據此又據池太道臣張士第詳稱道
屬池太二府句容六縣舊設鄉兵以縣之大小
爲差其工食卽以鄉兵之多寡爲差訓練以材
官武舉平時備城守之用則可一旦有警如驅
節人使戰并戰解容縣有齊池之貴池銅陵東流太之
孰視江南則江干一帶要害處處當防其池太
府屬上自東流下至和尚港大江南北兩岍隘
口舊設安營元亨二哨荻營仁義禮智四哨俱
有兵壯船隻遊巡哨守分派于東流上下協防
無庸再議加增惟蕪采夙稱要害距縣寫遠新
設防兵四百二十一員名誠未足當一隊應再
加增三百七十九名共八百之數仍令守備李

起以原官統練俟勞績久著方可另議加銜然
增兵必先籌餉歲增銀四千二百八十四兩三
錢四分道屬十分之六該銀二千五百七十兩
六錢四厘自十二年爲始除銅陵縣免派外合
派貴池縣銀一百兩青陽縣銀一百五十兩石
埭建德二縣各銀一百兩當塗蕪湖二縣各銀
一百五十兩句容溧水二縣各銀二百兩溧陽
縣銀三百兩高淳縣銀一百五十兩共銀一千
六百兩如貴池石埭句容溧水高八縣則按之
兵當蕪二縣則另行設處再于蕪關取稅餘銀
一千兩共足前數若夫句容之龍潭繫

畱都門戶句容各縣各有鄉兵分防近奉皖撫抽
扣十分之四若又議抽前銀恐龍潭益成單虛
似應另設兵勇四百名以

欽依把總分防于溧陽之接壤宜興溧高之丹陽固
城三湖之界時加訓練若餉銀別無設處不得

不加派于句容水高四邑之田畝矣若江浦六合二縣孤懸江北先經寇殘後恃防兵堵禦旋即解圍此實練之明驗也一旦有警奉有本院之調防似應炤舊毋庸另議向本道駐池標下則有池陽營兵操練池營改爲戰兵矣本道奉旨駐蕪鎮蕪一營應屬道標炤依皖撫頒發經制定委千總等官就近嚴加訓練俟有勞績另請具

題授以

欽依似亦妥便再炤鎮蕪見兵四百八十在道標不啻少而合采石之八百湊成一千二百有奇本道日上下江干嚴督訓練亦足成一勁旅矣此一舉也無事則分防隱然虎豹在山之勢有事則調遣務成干城折衝之選且兵有額數分布不使隙踈餉亦有額數核實自無暗派其于建威消萌節用固圉均有當矣伏候憲裁具

題通行遵炤等因又據蘇州府知府陳洪謐呈奉

臣憲牌內開炤得時事多艱足兵爲亟本院前募新兵皆駐防浦六今標下兵額寥寥欲再募練以備緩急苦餉無措茲奉有絕溢屯地較量加租召募精銳之

旨則軍儲一項尚應清查合行確議詳奪等因奉此該本府知府陳洪謚看得府屬軍儲恤孤二項先年原編本色徵給自奉文改派折色每石折銀七錢餉舊例以六錢爲折色每石折銀二兩已充新餉矣今歲因各衛運軍折價不敷紛紛請加請復本府前已議詳每石加銀五分以資運途之用但查今歲旱蝗相繼米價驟騰各屬請以儲恤抵兌卽以荒區漕米扣完軍恤比之漕兌不惟免其贈耗且每石止徵七錢五分時價亦多便宜況今地方多事捍禦甚急加兵添餉勢實難援而于此項再加五分連前加一錢之數共得銀

一萬七百六十九兩六錢以抵兵餉誠亦事勢之可行者等因又據松江府呈同前事該本府知府方岳貢看得衛所軍儲每石折價七錢今再加一錢亦僅八錢而止小民自當稱便況召募以固吾圉一方之安危繫焉未可曰姑待明日也計共得銀六千五百三十一兩零隨經徵貯候給兵餉等因各呈詳到臣該臣看得臣屬_對府在_在洲_北輻員遼濶而安慶一府與浦六二縣年來流氛衝突往往竭江南全力以注之而恒苦掣肘緣西屬兵額寥寥自固不足東屬沿海卽有舟師不任陸戰欲以禦風飄雨驟之寇周長江千里之防斷不能恃舊旅而制勝矣憶臣入吳之初首疏請增皖兵以備楚寇部議止于安慶衛軍挑練備防經臣力行抽選立有軍勇新勇二營壯軍八百名未足分布各邑續蒙

皇上再允臣請增皖兵一千二百名其餉取之于設處協濟此外則全資江南應援嗣因寇熾頻仍調援力竭

廟議添設剿兵微臣復議增皖中馬步兵二千一百名其餉取之六府三衛幸有撫臣史可法司其鎖鑰此郡可恃以無恐矣浦六二邑隸在西府而西府兵力不足應援數年來調兵措餉製器

築城無一不取給于東四府也臣前請增標下兵一千二百名以備浦六之援部議止畱海防

銀四千七百三十二兩零伏冗銀五千五百七十五兩零餉額縮于兵數臣不獲已與道府諸臣再三搜措議于蘇松軍儲銀內增銀一錢以資新兵月餉蓋軍儲舊例每石折色六錢年來江南米價騰湧一石輸銀六錢原屬太輕定議七錢以六錢給折色軍儲以一錢資新兵月餉民間輸納尚易于漕糧此兵民兩利之道也前

歲湖寇竊發臣又有增設水兵之請流氛不已復奉有皖浦增兵該撫按從長酌議之

旨則前請一千二百名之數又未可膠柱也臣數年殫精防禦陸續選募已及二千名安慶浦六之援皆取于此而餉額尚苦未足茲奉有絕溢屯地較量加租召募精銳之

旨復行蘇松兩府協議將前軍儲再加一錢五分

給運軍以五分給足新兵之餉此外則不能絲毫更增矣夫計生餉所充月餉可得一萬七千

三百兩零合前海防汰冗銀共二萬七千六百七兩零所募標兵以二千二百名爲率無事以一半戍浦六以一半駐標下按季踐更節其勞逸但戍浦六者宜加鹽菜銀一分五厘如遇江北有警則併一半駐標下者悉赴京口浦六其行糧臨期再

請合筭糧鹽火械衣甲之費二萬七千六百餘兩之

額爲數不敷查近有蘇州南運省存銀每年約三千餘兩松江月糧餘銀每年約一千五百餘兩連年克新兵月餉器械之用今宜著爲定例永供浦六戍兵行月餉銀但此二項如遇南部經徵本色之年則無有省存餘銀當臨期再議設處抵補者也各新營官如右奇營把總曹舜齡戴罪左遊營守備蔣若來前標管總練楊芳

後標管總練張人傑水標管總練湯夢履及哨

官李良策鍾鳴陞朱龍光王起玩朱泰潘熊等皆桓桓之選俟其久著功績卽當題

請加陞實授以示旌異此東屬增募選練之概也西屬除

畱都京營官兵臣不敢議其句容六邑

幾甸要地向無額兵道臣張士第詳稱龍潭繫

畱都門戶另設精勇數百名統以把總駐彼團練仍更番分守其餉銀卽派于句陽水高四邑此

亦捍衛

神京之要着也池太兩府舊額止有池陽營六百餘名采石營一百一十五名雖經臣議增蕪采新兵四百二十一名然用以聯絡捍禦殊存見少道臣張士第詳議再募精兵三百七十九名共成八百之數本營領兵官見有蕪采守備李起統領相應加遊擊銜以重其權其餉銀貴池石埭建德三縣各一百兩青陽當塗蕪湖高淳四縣各一百五十兩句容溧水二縣各二百兩溧陽縣三百兩共應派銀一千六百兩或抽鄉兵之餉或另設處聽各該有司酌詳此外仍不敷銀一千兩經按臣移會蕪關部司熟商協濟而主事陸自巖毅然搜括認助矣徽寧二府屹屹巖郡萬山迴繞據險扼防必資勁旅道臣侯安國議增標兵一千二百名增設徽寧二把總分爲六哨以該道中軍統攝其餉銀出于徽寧

廣三屬之派給分給出守更番差操無事爲江
南保障有警爲江北應援摠歸該道標下教練
區處攸當此西屬增募選練之概也在東屬新
兵久效戍防而餉額復有歸着唯宜著爲畫一
以垂永久在西屬餉額雖未全足而營制已有
規模當令速圖就緒以護金湯臣與在事諸臣
同心商確殫力拮据實見固圉之策不得不出
于此謹會同巡撫安廬等處右僉都御史史可
法巡按應天等處監察御史陳起龍巡按蘇松
等處監察御史任濟合詞上

請伏冀

聖明敕部速覆施行

崇禎十二年四月十二日具

題五月廿六日奉

聖旨應天各地方募練置將措餉等項西屬已有旨
了東屬及龍潭等處合行事宜該部一併看議速

奏

請蠲崇明坍餉疏

題爲遼餉額外疊加窮黎萬難再派籲憲題

請蠲豁亟救海外倒懸事據蘇松兵備道僉事宋繼
登呈據蘇州府申奉院道案驗准戶部咨該本
部覆臣等會題前事等因奉

聖旨是着該撫按仍嚴督徵解併責道府將該縣溢
地逐一踏勘奏奪欽此欽遵備咨到院行道仰府
卽行該縣一面督徵完解一面將溢地逐一踏

勘明白作速詳報轉奏奪等因奉此又奉巡撫
張都御史批據崇明縣糧里生員張聘冑等呈
爲懇念產縮餉浮遵

旨踏勘等事奉批仰府覆查報奉經行縣查勘去後
續據該縣申稱隨該卑縣親詣各沙被坍處所
喚齊各沙沙總范朝佐沈師道等并原呈糧里
生員李沛張聘冑等沿址履畝炤依舊額圖形

逐一挨釘丈勘量得長爛孫鎮沙原額共該田
蕩塗一千一百三十七頃七十九畝六分一釐

今量出坍過田蕩塗六十七頃六十二畝八釐
零實存田蕩塗一千七十頃十六畝七分二釐
平洋沙原額田蕩塗八百四十二頃七十二畝
四釐五毫今量出坍過田蕩塗五十一頃二十
五畝八分九釐實存田蕩塗七百九十一頃四
十六畝二分三釐六毫縣後沙原額田蕩塗共
該三百九十五頃五十五畝八分一釐四毫今

量冊過田蕩塗一百四十九頃五十三畝四分
 七釐三毫實存田蕩塗二百四十六頃二畝三
 分四釐一毫東西大阜平安沙原額田蕩塗共
 該一千零四十八頃三十五畝五分八釐今量
 出冊過田蕩塗五十六頃九十一畝八分五毫
 實存田蕩塗九百九十一頃四十三畝七分七
 釐五毫南沙西段併西三沙原額田蕩塗共該
 八百一十一頃八十一畝六分三釐九毫今量出
 冊過田蕩塗一百九十七頃八畝八分六釐一
 毫實存田蕩塗六百十四頃七十二畝七分七
 釐八毫山前沙原額田蕩塗共該五百六十頃
 九十七畝八分六釐九毫今量出冊過田蕩塗
 四十頃六十二畝三分五釐實存田蕩塗五百
 二十頃三十五畝五分一釐九毫大安和尚東
 三永寧沙共該原額田蕩塗二千七十八頃七
 十三畝八分五釐一毫今量出冊過田蕩塗二

百二十一頃七十九畝二分五釐二毫實存田
蕩塗一千八百五十六頃九十四畝五分九釐
九毫吳享袁錦沙原額田蕩塗共一千六百八
十四頃四十七畝七分九釐四毫今量出冊過
田蕩塗二十一頃八十五畝二釐六毫實存田
蕩塗一千六百六十二頃六十二畝七分六釐
八毫各將實冊確數造冊附卷現在但有冊除
竝無增溢卽有新漲補舊不足溢地一項實難
懸派今該本縣知縣李招鳳叅看得崇邑海上
彈丸滄桑屢變曩者則壤成賦僅得于內地萬
分之一故正供舊額不過七千餘兩良絲下下
之田實不堪同上上之供耳嗣後加增新餉頓
至一萬三千之派民方駭然謂股大于腰而歷
年隱忍輸將則二絲五穀之艱蓋有不勝其重
困者矣糧里生員李沛等以免餉叩
闕洵有大不得已者在也奈何增餉之蠲哀請未得

溢地之派額外更加此所謂雪上加霜民能堪
命乎況更有甚不平者通府一州七縣每歲共
該溢地銀九千二百餘兩而崇明獨坐五千五
百有奇此繇經承者不以崇禎六年丈量實數
科派致有懸坐溢地反倍內邑耳殊不知海筮
卽有所漲繇塗成蕩繇蕩成田賦稅之從輕至
重以漸而陞如槩以一分二釐加派民又安得
不羣起而嗷嗷也且陽有坐派之名陰坐逋欠
之實民徒受其敲扑官徒聽之叅罰糧里張聘
冑等連名哀控有繇來矣今奉委親勘卑職隨
詣各沙被坍之處如長爛孫鎮平洋縣後東西
大阜平安南沙西段西三沙山前沙大安東三
永寧等沙共坍舊額者有八百零六頃有餘此
皆五升五合起科之民田也縱有新鎮永寧大
安等沙所漲共有二百餘頃又不過五合起科
之水塗也若民田被坍一畝必得五合塗十一

六
卷
畝方抵一畝之民田今以崇禎六年之田數較之崇禎九年之丈冊坍多漲少盈不償虛三年之內已缺三千餘兩而沙總圖書又拘于會計之有定數不敢以坍地盡除恐虧

國課小民之無田而稅剝肉之苦言之固已心傷矣矧天賜塲坍海多年而每歲額徵鹽課三千四百餘兩至今望水輸糧累賠不已此皆內地之所無而我崇所獨苦者也當茲餉匱兵餒之際

國家多方設處以濟軍需誠亦不得已之計卑職之諄諄爲民請命非爲民生獨重

國計可紓也第思民爲邦本本固邦寧海陬一隅實爲江南半壁萬一追呼過嚴彼饑寒之衆易于走險卑職雖不忍逆料及此亦不可不隱慮至此也萬祈俯憐哀情將增餉勦餉亟賜奏蠲活此一方民命則上臺甦生之澤當與

天地同沾而東海瀛洲庶不失我

太祖之舊矣等因據此案炤先奉本道憲牌開奉本院批據崇明縣糧里施明廷等呈前事奉批仰道查議報備仰本府即將崇明加徵遼餉并近行均糧溢地銀兩作何算派而崇額偏多星速查明議妥詳確具繇轉報等因奉此案炤先奉嘗鎮帶崇蘇松兵備會按察使案驗爲遵

等事奉兩院案驗准戶部咨計開

蘇州府原額田土九萬二千九百五十九頃五

十畝五分零每畝加派一分二釐該徵銀一十

一萬一千五百五十一兩五錢三分見今額地

一十萬七百八頃二十八畝六分前件查算較

會計錄多地七千七百四十八頃七十八畝一

分零每畝漏派遼餉銀一分二釐共漏銀九千

二百九十八兩五錢三分六釐零等因奉此案

經議詳去後今奉前因又該本府知府陳洪謐

覆看得溢地加編各屬仰遵已久雖崇明迫切

叩

閩業蒙兩院代爲請命得有踏勘再覆之

旨崇邑之民雖未徼蠲減之

仁而得沐

聖恩知坍沒之非誕也茲該縣親丈舊額又坍去八百餘頃皆全則之高田卽有新漲之二百餘頃又下則之水塗其田變爲海望水科糧者又小民剗肉多年矣嗟此邊海窮黎不傷心切已安敢疾首痛呼于

聖明之前但當此酋賊交訐需餉惟艱計封疆者尚欲搜求以佐軍興安敢請蠲以悞

功令惟是東南財賦較舊額加而復加各邑未嘗稱苦有司未嘗代請卽受過叅罰原未缺其原額獨崇明濱海之民素難撫馭且地爲江南咽喉不破格以優恤而加以不然之追呼其諸頑

蠢無知不可不深長慮之也既經該縣覆勘前來似應轉請合無將坍田之餉四千一百兩盡請開豁其最下塗蕩及五合起科之塗每畝派加一分二釐量減其半使其哀號顛苦之狀得沛

聖明浩蕩之仁守茲土者又得固外藩而安內地誠大有裨益于邊圉矣等因到道轉詳間續奉本院批據蘇州府申同前事奉批仰道覆查速報奉此該本道看得崇明孤懸海島坍漲靡嘗以驟陞下則之蕩塗抵飄沒全額之賦稅且坍多漲少得不償失盈難補虛賠賦有年小民望洋增歎非一日矣是用叩

闡哀籲以祈破格寬甦無何開豁之恩未徼溢地之加疊至嗟此災黎害已剝膚奚堪敲骨宜司牧者虞叵測于將來思調停以善後議坍餉槩求免蠲量硃瘠酌求減半業經該縣勘明復據該

府覆覈為民請命冀沛

皇仁合無請乞憲臺俯賜會

題以示優恤等因到臣該臣謹會同巡按蘇松等

處監察御史任濟看得崇明孤峙海外地小民

貧上年因溢地虛懸之累下則加派之難臣等

會疏上

請奉有踏勘奏奪之

月言每島窮黎業荷

離明普炤矣臣累檄道府轉督該縣履畝親查據報

又坍去全則高田八百餘頃僅新漲下則水塗

二百餘頃坍多漲少盈縮懸殊非經一番丈勘

不能詳核如此也查該縣錢糧舊額不過七千

餘兩嗣後新餉頓派一萬三千所加幾已倍之

小民無歲不呼捨近且繼以叩

闕矣乃新餉未荷

蠲除而溢地五千兩復加于額外合舊額新增而總

計之一年幾輸四年之課雖二絲五穀曷足以
應乎況無溢地而科溢餉所謂望水輸糧尤賦
法之所未有者也有司鯁鯁爲地方計安危唯
望

朝廷槩蠲以甦積困而臣等上念

國計何敢遽爲格外之

請唯是坍餉必求免編磽瘠酌求減半新餉虛額次
第蠲除於課賦之中不失任土之義庶窮海嗷
嗷稍慰引領一隅安而江南以安關係實非渺
小矣旣經道府覆勘前來相應合詞上

請伏乞

敕部覆議施行

崇禎十二年四月廿九日具

題 月 日奉

聖旨

六年考滿疏

奏爲微臣歷任六載遵例應再給繇恭請

聖明鑒裁事臣係浙江金華府東陽縣人繇天啟二
年進士三年四月除授廣東廣州府番禺縣知
縣崇禎元年四月考選刑科給事中三年陞吏
科右給事中四年陞本科左給事中五年陞禮
科都給事中六年五月二十二日陞太常寺少
卿七年二月十二日陞授今職本年四月十七

目到任扣至崇禎九年五月二十三日通前太
嘗寺少卿連閏實歷俸三十六個月三年任滿
遵例具

奏該吏部覆議看得臣歷正四品俸三年考滿係
在京堂上官員例不考核應否就彼復職管事
緣本官奉

敕巡撫前項地方軍務難以離任引

奏合候

命下行今本官遵奉等因題奉

聖旨着就彼復職欽此欽遵移咨到臣隨遵炤復任
訖臣父母并臣妻俱蒙

頒給誥命不勝感戴今自崇禎九年五月二十四日
起至崇禎十二年四月二十三日止連閏實歷
俸三十六個月六年任滿查炤

會典例應給繇伏念臣仗鉞非才濫竽是愧歷階四
品又當再考之期鞅掌數年實無寸長可紀當

甫任之時愧威望未孚如宜興溧陽有焚掘之事而桐城奸民踵習而起雖臣先後相機擒賊然以秉事之新致不虞之變臣凜然

斧鉞是懼是冬寇躡江北臣皖上詰戎親冒矢石長江扼險力衛

陵園未幾賊謀犯揚窺渡江浦從斗山定遠以達椒滁無處非荐食之地仰仗

廟筭固圉力運巾眉之孽將士用命共殲蛇豕之兇及奉會剿之

旨臣罄發吳兵力堵潛太雖報稱秋毫無效而心力交瘁不辭至若湖海之嘯聚草澤之莽戎如大盜宋毛三等首惡就擒不致燎原蔓草脅從解散敢誇賣劍買牛以臣居撫綏彈壓之官自宜有撲滅芟夷之計愧職業之未盡召災變之流行來未有之螟蝗致東南飢饉爲困驕經年之水旱使徵輸期會多愆臣虔禱則焚暴不辭叩

而流血既竭中如增兵措餉不敢籲留正帑絲毫
先已上

聞俱蒙

睿鑒又如蕪湖建敵臺七座六合太湖建平繁昌築

城四座累奉紀錄

欽賞復級以

皇上勸功有典在微臣引戾滋深又臣歷任以來尚

有佳俸一十二次恭查

會典凡在京給繇官員不拘佳俸罰俸俱以見任辦

事所歷月日准作實歷臣正與例相同但臣積

勞成病兩經具疏乞身未蒙

聖慈矜允勉強抱疴視事未敢

竇陳茲援黜幽之條非微乞身之便臣初考給繇正

值流氛甚熾皖撫未設不敢遽乞罷免以冒規

避之誅今循省日多譽尤愈積卽成例不賜考

核然引分何以自安伏乞

吳江志 卷一
明勅下吏部覆議上

請將臣亟

賜罷斥別簡賢能代任使蚊負可弛如
龍光下被矣

崇禎十二年四月二十七日具

題六月初八日奉

聖旨張國維着炤例考滿不必引請該部知道

進水利全書疏

題爲

聖主軫念民生微臣祇承

德意恭輯水利全書

進呈

睿覽仰祈

聖鑒事臣待罪撫吳六年于茲矣地方洊罹災沴十
室九空輸將日訕竊怪三吳民力半以佐

國家之軍需何遂彫瘠至此每巡歷所至父老遮
道泣愬謂裕

國救民非亟興水利不可臣恭覩

皇上遇極之初咨詢東南水利又頻

下詔旨着令查議舉行臣職在撫循若不悉心體究
上孤

如傷之視下負疾痛之呼臣罪滋深亟延攬諏咨知

吳爲澤國歷代講求水利故成沃壤

高皇帝定鼎金陵卽允蘇民俞守仁開修水利之請

文皇帝特命專官大濬吳淞白茆

宣宗朝又允先臣周忱之請秤土均糧凡坵塍灌注湖
流者其土潤依重科畝澮進退潮汐者其土燥
減輕則成弘正嘉以後

列聖循故事

遣官濬鑿靡有十載弗舉者

先皇帝先命臺臣繼設道臣遍濬江港嗣後停遣至

今將周甲子卽時有滂淺之役然如醫之治標
總無益于原本農人竭蹶培壅收穫仍儉坐是
民多艱食盜風日熾臣仰藉

皇上威靈隨處消弭深惟根本水利乃生生之原臣
愚不揣簿書稍隙徧稽典故捧繹

二祖

列宗

詔教暨

皇上綸綍字字典謨謹遵奉編輯以昭示萬世他如
臣僚奏章官司案牘凡紀述疏濬

聖政者悉彙採成書共計三十卷內附志記論說等
類總以證修治之便宜貲費之靡約鑒觀往事
確有成則臣不敢妄參意見于其間也臣嘗單
舸巡汎探溯河渠各繪水圖括以說略昉諸郊
原郭郭畢以湖浦江海首尾喉腹若縱若橫若
紆若直若遠若近摹肖形區全吳諸水之故道

會煩

列聖之睿畫者恍在目前矣前歲書成擬卽

進呈

御覽值臣提兵拒寇而臺臣李模適上封事奉

旨行臣等確查及舊按臣王志舉報

命具覆臣以虜警方熾不敢煩瀆

聖思茲奉

明旨經費錢糧着臣等核議除臣遵奉檄各行屬并

咨浙江撫按衙門查核明白會同按臣另疏

奏覆外謹盥沐拜疏先將全書恭

進

御前儻蒙

皇上萬幾之暇

留神披閱鑒臣苦心以爲將來畚挿之成案或亦有

裨于萬一乎臣伏查撫屬蘇松嘗鎮與浙屬杭

嘉湖咸昔浙西地面賦廣境狹僅在五六百里

內而西高于東數十尋如建瓴甌宣歙杭駐諸水繇雲溪苕溪綏安建康諸水繇金沙陽羨竝趨震澤等湖極東復有岡身偃仰孟受狂瀾夏禹闢三江洩尾閭又鑿橫江縱浦以殺其怒奔之勢垂利無窮三江者何吳淞與東江婁江是也東江以築捍海塘廢淞婁之漲北駛于白茆港今婁江尚幸通流吳淞白茆因納潮最猛淀積泥沙久不疏導皆成平陸蓄瀉兩艱潦暎交病則滙諸水之流復三江之故尤以治吳淞白茆爲綱領而修濬務須合法如吳水千流萬派脈絡珠聯大儲小澳則去來順逆之性宜辨也瀕湖瀕江瀕海之隘口出入濡疾古人於榮涸要處剗閘築壩則盈縮節宣之義宜知也澤漾泖蕩高卑之勢本自天造地成今濬江港總歸吐泄則廣深素定之形宜按也開洶經費有取于公而公不病有資于民而民不擾則樽節得

宜佚道而使之說宜講也相道里以鳩工量土
方而授值譎回無所售奸朴愿咸得沾惠則宋
臣范仲淹蘇軾等救田兼行餉饑之訓宜師也
餐風吸露野宿店棲毋避怨嫌不辭瑣屑則我
明夏原吉周忱海瑞姚文灝傅潮林文沛等

國爾忘家之志宜勵也支放出入必慎必明官嚴
簠簋之飭吏絕狐鼠之叢則相維相制之例宜
核也江港開則列郡竝蒙其利窒則蘇松先被
其患勿蹈白圭之小智以鄰國爲壑則貲力助
助同休共戚之誼宜通也設有專司精神畢聚
驗施爲于實効戒粉飭于報完則課奏之法宜
密殿最之典宜明也因彙陳原委字句溢格仰
祈

聖明鑒宥施行臣無任激切悚懼之至

崇禎十二年五月廿二日具

題
月
日奉

御製

聖旨

卷

